

Vun driweriwer

erscheint auf www.lenauheim.de

monatliche
Erscheinung

Mai 2018

von Helen Alba

Mitm Knippl newerm Bett

Es war e warme Sommertach, an eem Sunntach. Do han sich die Bäsl Mari un de Vetter Sepp entschloss, vun Bogarosch aus uf Triebswetter mit de Bizikle zu fahre, um mol wieder ihre Freind ufzusuuche. Die Verbindung mitm Zug, des war zu kumpliziert. Mer hätt in Lowrin sowohl beim Hin als ach Zruck iwersteije un lang uf die Verbindung warte misse. Un 15 Kilometer war jo nit gar sovill, for zwaa Leit im beschte Alter. Es war selmols schon die Zeit, in dere in unsre Banater Ortschafte immer wenicher Schwowe verblieb sin. Ihre Häiser sin vun Zugezooeni besetzt gin. Un die hat mer jo nit gekennt, oder besser gsaat, nor vum Gsiehn aus hat mer gewisst, dass se jetz im Dorf lewe.

Un die zwaa han sich uf die Bizikle gsitzt un sin los geradelt. De Vetter Sepp hat an der Bilanz die Aktentaschn anhänge ghat un im Gepäckträger ware die Reenmäntel verstaut – mer kann jo nie wisse... Die Abfahrt is bemerkt gin un....

Zwaa Häiser weiter ware neiji Nochbre gewohnt, die han sich gedenkt, sie kennte jo mol nohschaue, was in dem Haus vum Vetter Sepp un der Bäsl Mari „zu grabsche sin kennt“. Sie sin scheen iwer de Garte in de Hof, han sich mit eem Dittrich ins Haus gschlich, dorte rum rumoort un noh Geld gsucht. Alles han se unnerscht, uf owerscht dorchsucht, was se gfunn han, war uf Nimmerwiedersehen fort. Geld han se jo nit gfunn, doch sie han verschieden Gerätschafte (Radio, Fernseher, Plattenspiller, Staubsauger, Porzellan) mitghol un hekscht wahrscheinlich in eem anre Dorf gleich „an de Mann gebrung“!

Es war schon duschter, wie die zwaa Schwowe derhem ankumm sin. Schun wie se in de Hof ninkumme, gsiehn se, dass die Tier am Glasgang e Spalt weit ufsteht. Nix wie die Bizikle an de Gang lahne un nin. Wie se die Bescheerung gsiehn han, ja was jetz? Je zum Miliz, der hat in der anri Gass gewohnt. Umesunscht. Alles is im Gras verloff, de Vetter Sepp un die Bäsl Mari ware um etwas ärmer. Sie hans awer mit de Ängschter zu tun kriet un sin seit selmols nimi alli zwaa mitnaner ausm Haus gang. Eener is immer geblieb un hat haptak gstann. Un derezeit hat de Vetter Sepp immer e Knippl newerm Bett stehn ghat. Der Inbruch awer hat se ausm Haus, ausm Dorf un ausm Land getrieb ...